



# INUIT ATAQATIGIIT INATSISARTUNI

**Ulloq: 5. december 2007**  
**Kuupik Kleist**

Inatsisartut Suleriaasianni § 36, imm. 1 naapertorlugu Naalackersuisunut apeqquutit imaattut matumuuna saqqummiuppakka:

**Naalackersuisunut apeqquutit:** Namminersorerullutik Oqartussat pisorta qarfiinik qumartiterinissamik pilersaarut pillugit.

1. Qumartiterinissaq pillugu paaserusutavut;
  - a. paasissutissat missingersuutillu suut aalajangiinermi tunngavigineqarsimanersut,
  - b. periaatsit suut ator neqarnersut,
  - c. sulisut tusarniarneqarsimanersut.
2. Sulisunik ikilisaaniarnerup aningaasatigullu sipaarniarnerup saniatigut siunertat allat suut anguniarneqarpat?
3. Ajornannginnerusumik pitsaanerusumillu ingerlatsinissami suut anguniarneqarpat qanorlu anertutigisunik sipaarnissaq naatsorsuutigineqarpat?
4. Qulaarlugu paaserusupparput pisorta qarfiit sorliit qassillu atorunnaarsinni arneqarnersut sorliillu kattutsinni arneqarnersut.
5. Ataatsimut isigalugu paaserusutarput tassaavoq, allanngortiterinissaq sulisunut qanoq kinguneqassanersoq. Assersuutigalugu massakkut sulisunik soraarsitsisoqassanersoq imaluunniit allanngortiterinerup kingunerisaanik nutaanik atorfinitsitsisoqassanersoq. Ilangullugu paaserusupparput pisortatut taaguutit sorliit atorunnaarsinneqassanersut aammalu allanngortiterineq aningaasarsiaqarnikkut qanoq kinguneqassanersoq.

(Inatsisartuni ilaasortaq Kuupik Kleist, Inuit ataqatigiit)

## **Tunngavilersuut:**

Tusagassiorfitsigut tusakkat naapertorlugit Naalackersuisoqarfinni pisorta qarfinnik ikililerinissaq pilersaarutigineqartoq 1.1. 2008 atuutilersussatut (massakkut 1.2.2008) oqaatigineqartoq pillugu Inuit Ataqatigiit arlariinnik paaserusutaqarluta 27. november allagaqarpugut akineqaratali. Taammaattumik apeqquutit pingaarutillit paaserusukkatsigik apeqquteqarpugut.

Partiit Inatsisartunilu ilaasortatut pingaartipparput ilisimassallugu Naalackersuisut qanoq ittunik pilersaaruteqarnersut, tamanna aamma Inatsisartut sulinerannut sunniuteqartussaammat, minnerunngitsumillu inuiaqatigiit kiffartuunneqarneranni pisorta qarfiit sorliit sunik suliaqarnersut kikkunnillu pisortaaffigineqarnersut tamanit ilisimaneqartariaqarmat.

Tusagassiorfitsigut paasisat naapertorlugit "departement"-itut taasanik pilersitsisoqassasoq taakkulu tamarmik kalaallinik pisorta qarmissaat aalajangiunneqarsimasoq paasivarput. Tamatumani kikkut kalaallisut isigineqarnersut paaserusupparput aamma paaserusupparput kalaaliunissamik piumasaqarnerup saniatigut piumasaqaatit suut piumasaqaatigini arneqarnersut.

Neriuppunga paasissutissat periarfissaq siulleq atorlugu apuunneqarumaartut.